



بوكيه ورد - هند

كانت الشمس قد ملأت المكان معلنة عن بدء يوم جديد .. في حماس أزحت قفل باب محل الورد الخاص بي وعلامات السعادة تغزو ملامي .. كان لسان حالي ينطق بأنه يوم عمل جديد لكنه ليس ككل الأيام فالفالتين او "عيد العشاق" اليوم وعلي أن أستعد بكل طاقتي لذلك اليوم المرهق السعيد .. كنت أنتظر اليوم صديقتي "حبيبة" حيث سألتها القدوم لمساعدتي فقد كان ذلك أول عيد للعشاق يمر علي بعد تحقيقي لحلي .. محل الورود .. كوخ صغير زجاجي يمتلئ ورودا بكل الألوان .. تنعش روحي كل صباح .. وتملؤ قلبي بالرضا والسعادة .. أتبادل أنا وهي الحب والرعاية وربما طبخة الأرواح .

دَلَقْتُ للمحل ملقبة نظرة سعيدة واسعة على الترتيبات والديكورات المبهجة التي كنت قد إنتهت منها بصحبة عُمر الشاب الطيب الذي يعمل معي منذ افتتحت المكان .. كانت الساعة قد

قاربت الساعة والنصف حيث تبقى لدي من الوقت ساعة حتى يحضر عمر ويبدأ اليوم "الكبير" .. وضعت حقيتي على مكثي وتوجهت للمطبخ الصغير لتحضير القهوة الخاصة بي .. حدثت نفسي قائلة: "قهوتي والشوكليت ونص ساعة وأبقى جاهزة تماماً" ثم ابتسمت في سخرية "فالتين بدون فالتين هاهاها السنة دي أنا حساعدهم يحتفلوا وحتفرج وِس أنا"، "pass نياهاااا" .. لحظات مرت حتى بدأت قطرات القهوة في التساقط من ماكينة القهوة الخاصة بي مثيرة في نفسي بهجة وانتعاش براحتها المميزة .. آه أيتها القهوة .. صرت ترافقيني بكل أوقاتي مكونة مع ورودي والشوكولا عالم من البهجة الخالصة المشتهاة.

حملت قدحي الكبير بقهوته الغنية وتوجهت لمكثي فوضعتهم ثم التقطت الريموت الخاص بالنظام الصوتي وشرعت في تشغيل قائمة الأغاني التي قد أعدها "عمر" للفالتين "ورينا يا سي عمر حضرتلنا ايه؟ وضعت الريموت جانبا والتقطت الشيكولاتة الخاصة بي .. ما ان قضمت قضمتي الاولى حتى انبعث من السماعات صوت "طلعت زين" يملأ المكان:

"what can I do? What can I say ? just a word ..
happy valentine to you".

عمت الفرحة أرجاء قلبي وأنا أستمع للأغنية وسط الديكور المبهج
وقهوتي والشيكولا .. ما لبثت ان عقدت حاجبائي في ضيق
لدي رؤيتي لأحدهم يعبر الطريق باتجاهي "بييه تاني أخينا ده!
تلات أيام يا ربي ببيجي وينقي ويستشيرني ويسأل أسئلة كثير
ويمشي بعدها وانا مش عايزة ابقى قليلة الذوق معاه واللا أخسر
زبون بس سوري بقى النهاردة يوم مزحوم لوحده مش ناقصة
حد متردد واللا جاي يتسلى أصلا سوري".

عبر الشاب الطريق حتى وصل للمحل .. كان مظهره بسيطاً أنيقاً
بجلته الرسمية ورباطة عنقه المحكمة .. دلف للمحل متجاهلاً لافتة
"مغلق" التي لا زالت تتصدر الباب الخارجي.

- صباح الخير.

- حضرتك احنا لسه مشغلناش.

- الحقيقة انا عندي شغل وماصدقت لقيتك موجودة بدري

.. انا بشتغل في البنك الي في المبنى الي ادامك ده ..

- البوكيه تمام .. اتفضل الكارت اكتب عليه لو تحب تقولي الاسم عشان ادبسه في البوكيه.
- .|||
- نعم.
- هو الحقيقة سببي الاسم فاضي.
- فاضي؟! ..
- تصوري .. انا معرفش اسمك.
- رمقته بنظرة متساءلة محدثة نفسي "وعايز ايه من اسمي؟" ..
- كنت عايز اشركك .. انتي فنانة بجد وووو.
- قاطعته "هند .. اسمي هند".
- هو انتي على طول سريعة كده يا هند.
- سريعة!
- في الشغل يعني عملتيه بسرعة اوي.
- حضرتك انا معديش وقت الحقيقة لنص ساعة رغي مع كل عميل كده مش حنخلص .. اتفضل البوكيه.
- .||| .. طيب شكرا يا هند .. تسلم ايدك.
- العفو .. مع السلامة.

في بطئ تحرك الشاب خارجا من المحل حاملاً الورود وأنا أتابعه
بنظراتي.

بعد يوم حافل بالعمل والاجهاد الكبير ودعت آخر عميل وعميلة
زاروني حيث كانوا شاب وفتاة قرر الشاب احضار فتاته لتنتقي
الورد بنفسها .. ابتعد الشاب والفتاة وتهدت في هيام وأنا
أراقبهم حتى جاءني صوت حبيبية لينتزعني من تأملاتي "يا جمال
الحب ويا عيني ع الحب ها االح اوعدنا يا رب".

التفتُ اليها ضاحكة فأردفت حبيبة "تفتكري الوردة اهم واللا
الهدية اهم واللا الكلام اهم".

قاطعتها بحسم "الحب بجد أهم .. الوردة تعبير عن الحب يا حبيبة
مش اكثر .. احنا حياتنا جافة أوي .. جافة بشكل صعب
يتوصف .. بشكل بينسينا أحيانا ان احنا ستات ورجالة محتاجين
نحب ونعبر عن الحب .. ده يوم حسيت فيه ان الناس بتتلكك
عشان تلاقي سبب تعبر فيه عن حبها مع انهم مش محتاجين
سبب .. دي فطرة .. الناس بتخاف تعبر عن حبها يا بنتي او
بتنسى او بتكسل .. متعرفيش مالهم .. مشفتيش انتي عميل اخد
بوكيه صغير بيقولي عشان احطه في كيس هدايا كبير والجيران

خرج عمر من المحل حاملا أشياء وأشياء حبيبة وغاب دقائق قليلة الا أنه عاد وعلى وجهه ابتسامة حائرة .. بادرته متساءلة "ايه يا عمر فيه حاجة؟".

- آآآآ هو حضرتك ممكن تخرجي تشوفي العربية.
 - مالها عربيتي .. أسرعت بالخروج من المحل الا اني تجمدت بمكاني بمجرد وقوع نظري على السيارة اذ كان بوكيه الورد الذي صنعه بيدي صباحا موضوعا على الصندوق الامامي يتوسطه مظروف أبيض صغير اقتربت وقت بفتحه فقرأت "هند .. اسمها هند .. قصدي البوكيه ليكي في الحقيقة .. من ساعة ما فتحتي محلك ادام البنك وانا بشوفك كل يوم وسط الورد .. كنت بحسه مكانك الطبيعي .. يعني وردة جميلة وسط محل ورد .. حاولت أتكلم معاكي كتير بس مكنتش عارف أبتي منين .. بس النهاردة عرفت حبتدي منين .. إقبلي مني أجمل ورد إتعمل بأرق ذوق واسمحي لي أتكلم معاكي شوية".

حملت بالخطاب وبالورود في دهشة وارتباك ونظرت مكان
التوقيع الذي كُتبت به نقاط فارغة ثم رفعت رأسي لأجد
الشاب أمامي يمد كفه بود راغباً بمصافحتي بإبتسامة نجولة
متمتماً "خالد .. أنا خالد".
